

WEEKDAY WORSHIP SERVICE (WWS)

Amasapen May 29, 2019 ni 7.30PM a panin TOUPA ompihna tawh WWS I na zang zouta. Tu in a nihveina di June 26 @7.30PM galdot in I omlel uhi. Hibang kal nanunga Nilaini biakkhawmna pan thei a I om, a huntak a piang leh manpha ahihdan enki zual le'ng -

Biakinn zotna lampi metro route/ link omta, biakinn sung lighting system hoih lua

Nipini biakna kikhopte ah TOUPA ompihna tang in, nuamsa in kideihkhop lou sim ciat bang

EBCC Delhi & Central Delhi, kingainatak kawma ki-inntuante TOUPA mina kithuahna hunlemtang

PPF-Delhi nuai a om Khrist sunga unaute, khat-le-khat kizawn/ kitawntuah a biakkhawmna hun

Office leh college/ univ. kai, Nipini a biakkhawmna neih lemtang chetloute, TOUPA mina kithuahna hun

Inn-ngaak nute mah inle, i innsak-innkhang, TOUPA bia leh phat diing a kicial/ kizot tuahna hunlemtang

Biakinn kim nai a teeng Prayer Cell omte adi'n houh "Kha 1 dan a Joint Fellowship" neih theihna hun, heutate'n bawlsak uh ahimai; akua-akua in hiai WWS (once in a month) hamphatpih sawm ni.

DAN SIANGTHOU IN KITEENG UH

Mr. T. Thangbiaklian S/o T. Chinkhanpau (Mahavir Enclave), leh Miss Vungliansang D/o K. Lianzawn (Central Lamka) te zan 22/06/2019 (Kiginni) in EBCC Delhi biakinn ah saptuam dansiangthou in Pastor in gawm hi. Tua khit in biakinn basement ah moulopna in zui. Nupa nuamsa hong hih uh dehsak thu I laan hi.

PASTOR & TUAILAI MI 3 CHANDIGARH PHA

Pentecost Sunday leh baptismal service kop a Chandigarh vapha Pastor Minlian & a lawmte mi 3 ngimna bang in 8-9/6 hun vazang zou damtak in Delhi hong tungkik uh. Report, ebccdelhi.org/activities ah sim theih di'n omta. TOUPA hoih hi.

NIPINI NAWN BIAKNA HUNZEK

June 30, 2019

11:00 AM : ZINGLAM BIAKNA KIKHOP

Biakna & Phatna : WT Makaih in
Thilpiak latna : Upa T. Thianzakham
Nipi Skul : Pastor
Pemlaklutna : Local Secy., TBSUC
Phatkhawmna : WT Makaih in
Hunkhakna : Upa H. Kam Suanthang

02:00 PM SUNNUNG BIAKNA KIKHOP

Biakna & Phatna : WT Makaih in
Thilpiak latna : Upa Ngulminthang
Nipi Skul : Pastor
Phatkhawmna : WT Makaih in
Hunkhakna : Upa Tuanmuanthang

2nd WEEKDAY WORSHIP SERVICE

Amun: Biakinn ; Ahun: 07:30 PM

Biakna & Phatna : WT Makaih in
Thilpiak latna : Upa G. Damsawmthang
Thugenna : Pastor
Thumkhawmna :
Hunkhakna : Pastor

KIPATHUGENNA LEH NGETNA

TBSUC deihna bangin biakinn lutna ding Sik kongpi pawnung zawpen bawlzoh hita. Kipahhuai. Kuapeuhmah, biakinn mun a tengte chihlough, kikhop ni chia'n gate sunglam ah gari tawllut lou in, gate zawn lampi khak kha dia gari khawlsak khak ding le pilvang ni chi'n I kingen uhi.

PROJECT MISSION WORKERS TOUR, 2019

EBCC Central Delhi in tukum project mission workers tour adi'n a nuai a semtute teelkhia uh. Amaute (1) Vumzakhpup, Headmaster, CES (Behiang), (2) H Thanglianding, Headmaster, Immanuel Academy (Teikhang), (3) V Sialchin, Headmaster, CES (Thuangtam), leh (4) M Pumsuanpau, Asst. Teacher, CES (Mualpheng). TOUPA'N lem Asakleh amaute'n kal nawn June 30 zinglam biakna kikhop ah hun hongzang diing uhi.

Biakna Kikhop - NIPINI TENG
ZINGLAM DAK 11:00 AM
SUNNUNG DAK 2:00 PM

Laisiangthou Bulphuh

Huan, tanghou a la a, kipahtu a gen khit in a balkham a, a kiang uah a pia a, Hiai ka sapum ahi, na sik ua piak ding tuh ahi; keimah theihgigena in hiai hih zel un, a chi a.[Luka:22:19]

PRAYER POINTS

Tuni Nipini hun hoih hon musak a, Toupa nitak Ankuang Siangthou saithei a hon bawl TOUPA min phat ni..

Damlou a omlel, damdawi-inn leh innmun a kikemte I phawk hi. Pathian in amaute damna leh thathak a piakna ding in thumpih ni.

Sepna zong leh sepna neita, saptuam memberte lakah sepna muthak bang, kaisanna ngah bang ki om zelzel. Toupa kiang ah kipahtu gen ni. Banah, khua hunhoih hon piakte ziak in Toupa phat ni.

Weekday worship services anihveina June 26,2019(Nilaini Nitak) a zat dia lemigel ahi. Thumna ah phawk in tel di'n kithawi chiat ni.

Pastor tegel in kizui, kilamlak kawm a prayer cell veh di a lunggulh uh semkhe thei panta uh. May 17 in Tughlakabad Cell, 24/5 ni'n Sanggam Vihar, June 14 in Madangir, 21/6 in Pushp Vihar. Banah, 28/6 in Savitri Cell veh sawm uhi. TOUPA kianga kipahtu gen kawm in pastor-te kal suanna thumna in tuam (cover) ni.

Nipini nawn biakna hunseh kigelte manphatak a i zat theihna ding un Toupa khut hat ah lankhe ni.

June 2019 USHER

Mipi Biakkhawmna hunte a Usher-te :

11:00 AM :

Mohammedpur Prayer Cell leh
Safdarjung Enclave Prayer Cell

02:00 PM :

TBYF R.K. Puram Area Fellowship



Tukha Thupi
Naupang Leh Pa Hihna
A Pathian Pomtak Biak Piakna

For Private Circulation Only | June 23, 2019

TUNI BIAKNA HUNZEK**09:30 AM : COUNSELLING HUN****HOLY COMMUNION****11:00 AM : ZINGLAM BIAKNA KIKHOP**

Biakna & Phatna : WT Makaih in
Thilpiak latna : Upa H. Zabiak
Annkuang Siangthou : Pastor
Phatkhawmna : WT Makaih in
Hunkhakna : Upa T. Goukhangin

TEA FELLOWSHIP**02:00 PM SUNNUNG BIAKNA KIKHOP**

Biakna & Phatna : WT Makaih in
Thilpiak latna : Upa Chinsum
Annkuang Siangthou : Pastor
Phatkhawmna : WT Makaih in
Hunkhakna : Upa Thangkhosiam Tonsing

TEA FELLOWSHIP**BCD SUNDAY SCHOOL PROGRAMME**"PATHIAN' POMTAK BIAKNA" *Rome-te 12.1*

Amun: BCD Hall

Ahun : 11:00hrs Nipini 4na

Pitu : Htp Nicky
Bible Sima thumna : Vungtanlian, Inter
Phatkhawmna : Lapite makaih
Contest (Sam128) : Contest Sub-Comm.
Thilpiak Latna
leh Toupa Thumna : Htn Hmingte

Pawl kikhenna omding

Music Club Lasinna omding

June khasung Ushers dingte: Htn Lialian leh
Htn Muante

Editorial

Khristian Makaihna

SILA NNA SEPNA (Luka 22:24-27; Johan 13:1-17)

Joh Byler in "The Art of Christian Leadership" chih laibu a gelhna ah, khovel makaihna in a buaipih leh a thupi ngaih tuh "P" thum ahi – Position (Dinmun), Power (Thuneihna/Thilhihtheihna) leh Prestige (Minphatna/Minhoihna), chi'n na gen hi. Hiai "p" thumte mah tulai Khristianna sung ah le om dekdek abang hi! Khristian makaihna in a tup laigil (concept) a kik hun ahikha ding hi.

Khristian makaihna tuh, hiai bang leitung kimakaihna toh kilehbulh hi. I Toupa leh a nungzuite'n paikan annkuang a umzoh un, nungzuite' lak ah, kua thupipen ding hiam, chih kiselna a piang hi. I Toupa Jesu'n a kiang uah Ama' sinsak makaihna toh khovel makaihna kilehbulh ahihdan sinsak hi! Toupa'n a sinsakna ah, khovel makaite (jentel kumpite) a mipite uh tung ah a kiliansak mahmah uh. Nihna ah, a tung ua thuneihna zangte "thilhoihhihte/benefactors" chih in a om, pahtawina tang zomah uh, chi hi. Hiai ahi khovel makaihna - letna, thuneihna, pahtawina. Nuam mahmah khading hi!

Himahleh Jesu'n, "nou lak ah bel na huchih hetlough ding uh ahi" chi in Amah' sinsak makaihna hichi'n a gen hi. Khatna ah, na lak ua a lianpen (greatest/senior most) naupang zaw bang in om hen, chi. A nihna ah, a vaihawmpen or heutupen zong, sila bang a nasempa bang in om hen, chi. Hichi'n chi lai, "dohkan a anpetu sang a dohkan a ne di'a tupa lianzaw ahi... hinapi in, kei noute lak ah an pepa (noute hon sepsaktu) bang in ka om hi" chi in, Amah ngei in sinsak kawm in a semkhia hi.

Huaiziakin, Khristian makaihna tuh, sila nasepna, kingainiam a nasemtu leh sepsaktu a omna ahi. Thuneihna hiam, thilhihtheihna hiam, pahtawina hiam hikha ngeilou hi! Tua bang lamem i om leh i lungput or theihshiam dan dik nawnlou hikha ding hi!

Bible in sila a chih tuh Hebrew ah "ebed" ahi a, Greek ah, "doulos" ahi. Suak or sila chihna ahi. Hiai bang sikhate tuh, a pute un sum a a leisa uh, a pute un vanneih a aneih uh sila nasemte ahi uh. Amaute tuh sila bilvuh, a pu thunuai a omden ding a kipiante ahi uhi (Diut. 15:12-18; Exo. 21:1-6). Tua bang sikhate tuh –

- ✓ Amau' deihnelna a a pu' sila hiding a damsung a kipiante (lifetime commitment).
- ✓ A pu' leisa, amah aa kia hita (totally possessed & owned by his master)

- ✓ A pu' adi kia a hing (has no other reasons for existence other than his master's).
- ✓ A pu' nna kia sem ding a nungta (serves his master; exists only for the purpose of his master)
- ✓ A deihnelna (will) a pu' aa (owes total obedience to the will of his master)

Hiai concept ah Sawltak Paul a chiang mahmah a, "heutu, makai" natawm leng a kichi ngeikei a, "Jesu Khrist' sila" chi'n a kipulak zawl zel hi (Rom. 1:1). Huaiziak in, khristian makaihna tuh sila nasepna ahi a, nna niampen ahi, chih chiangthak ni. Seniority thu hiam, dinmun letna hiam, upat leh naupan in gennei khalou hi. A niampen, a neupen a pan ding chih ahi.

Tua ban ah, sila makaihna tuh sepsakna nna ahi. Jesu Khrist hihna diktak tuh Dohkan a tupa' hihna ahi. Angel simsengluhte'n sun leh zan a nna a sepsakpa uh ahi. Thuneihna leh thilhihtheihna bukim tawipa, Mangtutphah a tupa ahi. Himahleh, tuabang a thuneihna leh thupina tengteng nusia in, dohkan a ann pepa, nasempa bang in hong pai hi. Matthew 20:28; Mark 10:45

A tawpna ah, sila nasepna tuh khesiltu a panna ahi. Tanglai hun a Palestine gam i chih kholum leh keugaw gam ahihman in, leivui tam mahmah hi. Inn chih in a innkong uah khesilna ding tui koihna kuang (basin) nei uhi. Mi zawngte ahihleh, amau leh amau a khe uh ksil in, mihausate'n bel khesil ding sila kineih uhi. A pute uh in hong tung hiam, midang kuahiam hong hoh hun in, innkong ah, tui in a khete uh na sil zel uhi. Insung a "right" neilou, a pute' vanneih (property) maimai khat bang a sim a omte' nasep ahi. Hiai background theikawm in, Johan 13:1-17 sung simthak mah dih. Hiai bang a Jesu Khrist sinsakna leh sepzia enton a midangte sila a pan ding tuh khristian makaihna in a sinsak ahi. Makaihna kia hilou in Khristiante khat-le-khat kizopna a i lungput leh hindang dan ahi. Hiai in damna leh khanna hon tun ding hi.

NA NGAIHTUAH KHA NGEI HIA?

- Jose L. Thawnkhanlian*

Hinkhua a thiltuah khenkhatte ziak in, hiai a tung a kigelh thulu pansan a thugelh tamlou Saptuam mite sim di'a gelh hoihsakna ka nei hi.

Khatna: Delhi EBC saptuam mi khat na hihkhak hampna kisakna na nei hia? Midang, a gaal apan a ente lak a khat, bang hile'ng, Pathian zakdahlouh di'n, EBC Delhi-te thupi uh sakna neiphial di'n na kikoih ngei hia? Pianken a lungsim a thil chianteh chetchet theilou, poimoh sakte record sek khat ka hikha hi. Huchibang a hatlouhna lianpi ka neihlai in, saptuam makai feltak Pathian hon piakte ziak in Media lam hihhat in hong om hi. Huai ah, black and white a kigelkhkia thute thukhat, video/ audio record omte ka phattuampih petmah hi. Sermon hoih tatakte bang ngaihtueh di'a om zingzeng maimah. Kei mimal adi bang in, Tuailai Camp, Papi Camp, Nupi Camp khawng a thugente ka niteng singpi & sang bang a ka zat hun atam hi. Ngaihchimplouh thuhoih tampi saptuam website a mutueh a ommi chih ka ngaihtuah chiang in, saptuam dang, Lamka lam ate le tel in, hiai bang hih omlou phial (Pearsonmun te'n pat nei uh abang) lak a hiai bang vision na nei heutute thupi uh sa petmah ing. Ka sanggam, mun tuamtuam a khosa a omte, kei bang a hamphatna dong a khopi saptuam bubitna a omloute, website visit a thugen hoih tatakte ngai di'a chialpi thei in ka om hi. EBCC Delhi mi hikei le'ng hicibang a website kineih a, sermon, limlak, lasakna, etc. khawng etkiik theih di'a koihkhia saptuam engsim tawki di I hi ka chi hi. I hamphatpih dan uh kibang geih kei mahleh, a hampna lua khat hi hang ei maw. Biakinn a kikhopnate lou le Prayer Cell khaw I kipolnate uh a manpha lualua ngen ahih I phawk un I ngaihtuah kha ngei mah di uam ah. Huchia I tan mai himawklou hive aw, hehpihna toh hon vualzawltu tungtawn a makai hoihte vaihawm zal zoukha (enjoy kha) hizaw ve hang aw.

Nihna: Kum liam zungzung, taksa kum bang le naupang nawnlou saptuam milip 40% bang kihi di. A hun puakkiak a hatlouhna neuhneuh I neih leh, ngaihtuahna hon sukha tam sek hi. Mihing

bangmah hilou, zankhat thu a le zatna di bei hihtheih hitel chih bang I ngaihtuah leh, hun neihle a manpha a zat di ahihdan chiang dedeuh. Zan ihmu, bil a zakna bei in thoukhe le'ng, Pathian Thu hoihpihi kigente bang a zatna di omlou di. Mit mial in thoukhe maw' le'ng, Biakinn zuan gige theilou hial di hi hang. Lungsimbua (a hai I chih) khawng in omphut maw' le'ng, tutan a Pathian Thu I zak, I tan leh neih ei adi'a huntawk ahina dia'm? I hinkhua ua thil hong tungte Pathian in ei donglou a tungsak, guarantee a omlouh daan mai. Huchibang a deldeep hi, hilele hinna koltu Pathian maipha zongpeihloute hitel hang a zaw, hangsan petmah hive hang aw maw?

Thumna: Delhi tan khawng khosa kha, mi'n fel di'a honkoih di uh ahi chih I phawk hia? Gamtat khohei in I hihna gen, saptuam mite I gamtat-khohei uah bangchibang mi I hia chih kilang di himaw' hi. Kikhawm tawp, a nanung vual apan pawkkhe diandian le, a kilawm di'a, a nuamviau zomah di. Eilawi omdan, vaite lenna tuang mah bat hun om hi. Vaite lak ah seat belt unbuckled pah sasauh, phone bang on zungzung, a pau masa hihtum bangmai tampi om. Eilawi le huchi bangte lak a tel I hi uhia le? Naupangte Ni chih khawng chia, naupangte otbawl di, amau singpi/ sang la sak masa di chih bang kipuung, a zui tamtak om lele huai kingetna thudon mawnglou tamkhop ki-om tel hi! Biakinn luttouhna kalbi banga ushers singpi hawm a kiveite adi'a dongkholh phial, lim kila di'a dim phetphut maw' bang le, a pilhuai lua zaw hikei maw!! Usher-te bang inle, adiak in summer lai bang, mi hong kuanbail a amau choice a AC zawn, Fan nuai a tu chihle, a malam khaw tu di'a sawlkhiaktak kilawmlou hi. A tutna uh a lua ma ua na omkhin a, amaute a mailam a tu di'a na kawkmuh I hihleh thutuam, a kuan baihte hamphatna buaisaklough ahohzaw. A kuan hakte bel a awng om nana a kitutsak kilawmzaw abang. Hilele, akua-akua, biakinn sung lut chi'a a mailam hihdimtou masa di'a tut mipilte chiindaan ahi. Singpi I laak chi'a, singpi sa paulam a, nou 2 I thuap, nou khat thelthang maimah a, pammaihipi suak hi.

[*Thugelh, aneu-alian adi'a manphatna nei, gelhtu Pa Jose Thawnkhanlian tulel in TBMC ah committee member ahi].